

中國方志叢書·華南地方·第二四五號

據

民國·陸崇仁修，湯祚纂  
民國三十一年鉛印本


影印

雲南省

# 巧家縣志

60/6975

成文出版社有限公司印行



\*10101830\*

k29  
H819  
W5500

中國方志叢書·華南地方·第二四五號

據

民國·陸崇仁修，湯祚纂  
民國三十一年鉛印本


影印

雲南

# 巧家縣志

60/6975

成文出版社有限公司印行



\*10101831\*

中華民國六十三年六月壹一版

# 巧家縣志

全二冊

發行人：黃

成助

出版者：成文出版社有限公司

台北市郵政信箱二二六〇五號

台北市郵政信箱二二六〇五號

台北市濟南路三段二十七號之二

電話：七八七〇二五

印刷者：成文出版社有限公司

內政部登記證內版台業字第一一四七號

新學社  
PDG

巧家縣志稿弁言

邦國有志見於周禮此陳壽三國志所由昉也後世省府州縣等志籍固不能目爲國志然羅列局部文獻上備史館徵探其重要性亦迥殊尋常紀述唐劉子元謂非才學識兼備不足以言志竊裁言乎民國紀元十九年秋崇仁奉命再權雲南省財篆受事之初適僚友魯君獻偃出宰吾邑諗其才學識兼優因徵求旅省癖以同意以創修縣志之責相屬魯君屬稿未竟解職去間任邑侯爲湯君錫之湯之才學識與魯相埒遂以魯手未完任務責湯完成之湯君兩任縣事政務百忙中懷鉛提槧弗稍懈况復攜帶卷帙往復昆巧兩地書成命名爲志稿作斯未能信之表示其勉勞可念而歆然不自足之謙謙雅度彌足令人矜式茲志稿將付印矣合前後論之譬諸建屋魯手奠基湯手落成兩君之於吾巧同留不可磨滅遺愛謹代表十區父老敬致無窮謝意


定全稿除凡例大事記遺事始末記外共方天文輿地職官民政  
司法財政教育交通農政工業商務物產氏族方言禮俗宗教金  
石人物藝文等十九編都十一卷編纂方式悉依 省府所頒縣  
志草案之規定而略事變通體例既嚴紀述亦尚翔實雖不能與  
洛陽關中華陽各名志等量齊觀而事關一方文獻傳諸將來亦  
足備國史輶軒之採已惟稿中人物編土著列傳均屬設流後人  
物其古清康熙中葉上溯至漢武設置堂瑯縣開時千數百年中  
間竟無一傳人婦女亦然此殆前人漠視地方物望所致如籲請  
改土之祿祿氏鑒於土府內部歷次喋血慘劇初則對夫弟承厚  
之叛這走烏蒙魯甸以避之後竟毅然自動敵屢世職上為朝廷  
維持邊徼治安下為祿氏保全一脉血胤其智識胸襟豈尋常女  
流所能企及想其生平必不少嘉言懿行倘及時有所表彰何難  
與天女城松明樓各巾幗傳人輝映後先乃二百餘年來竟無遺

微流播致修志者僅得據舊通志所載將改土動機及其經過叙  
略於大事記中祿祿氏如此其在祿祿氏以前言無涯涘之志  
義貞烈更屬無從稽考蓋古書集可終遺棄今者志稿完民適在  
抗戰建國期間中應注意開發後方着手達於吾巧者如滇北公  
司之鑛業參加金江航運之蒙姑站創立人材薈萃正發展地方  
之大好機會吾巧智識階級及後學青年果能就志稿所載對於  
有關全邑前途各事項何者宜於擴張何者宜於改善悉心研究  
並向國營事業從業員之富於新學識者請教請益以力圖進展  
則堂瑯古縣煥發光彩庶可免邊僻固陋之誚乎濡筆寓意跂予  
望之

中華民國廿九年冬

雲南省政府委員  
兼財政廳長

邑人陸崇仁撰



# 序

章實齋謂方志者國史之要刪尤哉斯言蓋國者省之積省者縣之積也欲知一縣建置之沿革疆域之分合道里之遠近政治之消長經濟之盈虛風俗之隆替教育之盛衰人文之多寡以覘一縣人民活動之總成績必於縣志焉是求苟縣皆有志志皆有徵則一國文化遞嬗之迹可瞭然矣往昔國史多偏重皇家政治今則國曰民國政府曰國民政府史之體裁自宜略變參用通志之例廣載各地方社會情形而不能偏重於中央政治若是則有賴於方志者實多此猶僅就國史取材之需要言也若夫地方長史既負一方政治之責必深察民俗之所由成與其所遺傳所蘊蓄所演進之迹而後可爲中理合度之措施而達成其好惡同民之政治昔韓退之過嶺先借閱韶州圖經朱子知南康軍下車卽以郡志爲問賢者之用心其與衆不同也若此則縣志之有裨於縣

政也何待煩言惜章氏建州縣請立志科之議迄今百餘年未能見諸事實明清兩代因修一統志而令各省修志以備取材各省又令各府廳州縣修志以備參用大都迫於功令草草成書民國以還內政部通咨各省各省轉飭各縣催促修志已非一日雲忝長省政早感修志之切要一面纂修通志一面催修縣志原冀有助於治化非以是爲觀美也顧十餘年中各縣志書之殺青者究屬寥寥抗戰軍興能留意及此者更鮮矣求之邊縣則爲尤難不意巧家縣志竟於此際告成也巧家僻處荒陬自設治迄今歷時僅二百餘載向無縣志之纂輯迨魯令啓燧湯令祚相繼宰縣事始恪遵省令督修四閱寒暑而觀成可謂難矣縣紳袁君昌榮陸君崇仁楊君天理合詞函請作序其書綱目粗具紀述翔實因爲述修志之旨趣以弁其端云時民國三十一年九月 雲南省政府主席龍雲序

巧家縣志稿序

縣之有志猶國之有史志者記也記其山川原隰之勢氣候  
雨暘之殊與夫物產類別風俗文野建置事功文物史蹟旁及先  
正著述名人軼事所以明進化之軌跡備一代之文獻俾後之覽  
者藉知先民締造經營之難因以啓其謳歌嚮往之心堅其繼往  
開來之志而使治斯土者亦得以按圖索驥因地制宜者也其用  
在鑒往以知來述古以證今其事則介乎史學輿地之間蓋一貫  
通自自然人文之學也吾巧設治始於清雍正間距今蓋二百餘年  
其間疆土之開闢人文之演進與夫先民之文事武功嘉言懿行  
足以楷則羣倫垂裕後昆者不知凡幾徒以無志之者日久遂寢  
就漸滅而使後之來者無由祖述而光大之馴致有數典忘祖者  
矣邑賢陸公子安關心桑梓文獻久而綦切顧以職官在外未能  
躬董其事懷此願而未遂者亦既十餘年矣曩歲春湯雨邑無元

後奉檄知縣事於施政敷教之餘慮一縣之志不及時焉纂輯將  
使文獻無徵載述不備而後生末學無由啓發其志氣也乃延鄉  
里明達之士分任採訪纂述之役而躬董其事凡閱時三載而稿  
成陸公復親加鑒定捐資以付剞劂以天理亦邑人之于役於外  
者獨綴數言以弁首余維志書述人文演進之跡著興衰治亂之  
理其體例固隨時因地而有損益而其貽覽者以暗示潛移之而  
不自覺所以敦風化而正人心則一也斯編之成律以部領修志  
事例蓋或未盡合然亦綱舉目張宏纖畢具矣倘後之覽者因  
是而激發其愛護鄉邦之情增益其敬恭桑梓之念知環境之限  
人也則思有以變易之樂天產之豐富也則思有以利用之憫民  
生之涸困也則思有以宏濟之感民智之錮塞也則思有以啓牖  
之其先民之偉績豐功瑰言奇行之足爲後世法者則思踵武而  
增烈焉舉凡齊家治國之道利用厚生之理蓋莫不由是而得焉

若是而懦夫立貪夫廉化行俗美人文蔚起相與壹其志齊其行  
奮其聰明才力以躋吾鄉於富強康樂之域然則斯之成其功  
效豈淺鮮哉豈淺鮮哉

中華民國三十一年八月十日邑人楊天理曼卿謹序

雲南印刷局承印

巧家縣志序

全滇百餘行政單位志乘闕如者約三四十縣巧家其一也距今前十一年之秋余捧檄出宰斯邑時

邑人陸公子安任財政廳長以縣志關係重要囑到任後負責創修當是時滇雲著作林中透出不平凡消息者有二一爲陳困叟修昆明志一爲袁屏山修石屏志二公同爲天南文學泰斗正埋首鉛槧殺青有待而余乃同時膺巧志重任自知學識程度不能望陳袁項背小巫大巫愧報奚若然重違陸公命又不得不勉爲其難旣之官於政務之暇集合邑中宿儒籌組志局而從事焉採訪也調查也獵祭羣籍而徵引也方銳意進行間旋因病卸篆而中輟越二年新宰官湯君錫之到任繼續纂修又五易寒暑而書成將付梓陸公徵序於余竊維余於巧志之着手經過雖亦門分類別猶具雛形然淺漏殊甚以史學家之眼光視之直不足以言

志幸得學問宏博如湯君者接手編纂適又奉上游頒發縣志綱目草案體例方式有所依據加以材料補充相當豐富遂構成洋洋大事記及全稿十九編之巨著以湯君數年心血結晶經過陸公正法眼藏而巧呈文獻專書乃得與昆石兩志先後完成（石屏志已出版昆明志正印中）而余以負弩前驅之微勞亦竟附驥而掛名簡端詎不彌增愧赧抑余尤有感焉方志一書對於處理政治裨益良非淺鮮巧家爲滇東北邊縣以境內形勝言之玉嶺中權金江縱貫山川磅礴之氣實產異材朱明以前無論已自祿土府以邊功表現後歷前清而民國功業赫赫者代不乏人今志稿人物編中固一一爲之立傳矣近數年來庶政並舉如調查戶口充實倉儲提高文化水準樹立人民自治初基以及物產實業中之銅鹽蔗糖山貨藥材手工出品等亦復廣泛搜羅翔實紀述際茲抗建喫緊關頭又值新縣制推行伊始負基層行政責者手此

書而瀏覽斟酌因時因地當不難因應裕如視前此定中模稜事  
必諮詢考查而後舉者其間難易之相去豈可以道三計哉茲以  
舊令尹之資格敬謝今後來所作事其數言藉以爲後進之資以  
示諸志獲之言

中華民國三十年三月七日 興魯啓煌 謹啟

